

AKASHVANI AIZAWL
REGIONAL NEWS BULLETIN

HEADLINES (MORNING)

- 1. Lawngtlai West MLA, Pu C.Ngunlianchungan tunlai hian Mizorama Autonomous District Council dinhmun sawrzima, teitet hret hret tuma hmalak a ni a ti.
- 2. Kolasib District Court chuan hmeichhe naupang kumtlinglo khuaihemtu chu kum 10 chhung Jail tang tur leh pawisa chawi turin a hrem.
- 3. President Droupadi Murmu chuan nizan khan National Film Awards vawi 71-na New Delhi ah a sem.
- 4. Defence Minister Rajnath Singh-a leh Morocco Defence Minister Abdelatif Loudyi te chuan nimin khan India-in ramdanga ralthuam siamna hmun a bun hmasak an hawng.



LAWNGTLAI WEST MLA

Lawngtlai West MLA, Pu C.Ngunlianchungan tunlai hian Mizorama Autonomous District Council dinhmun her danglam tuma hmalakna a awm tih sawiin, Autonomous District Council te chu tiliana, thuneihna sangzawk pek aiin, tuna a dinhmun hi sawrzima, teitet hret hret tuma hmalak a ni a ti.

Nimin khan Thingkah a YLA Information House a hawwna ah he thu hi sawiin Pu C.Ngunlianchunga chuan a, hetiang zela Autonomous District Council dinhmun teitet a nih chuan, reilote ah Hnam anga thuneihna leh rorelna hran neite hian ral hun an neih mai a hlauhthawn a ti a. District Council Sorkar, Politician leh mipuiten Autonomous District Council hlutna hre thara, dinhmun sang zawk a luahtheih nan duhsak tlaka inherrem a tul a ni a ti.

Pu C.Ngunlianchunga chuan Laifate chu hnam tlemte an nih vangin, Ruihhlo hmanga tihchhiat tham an nilo tih sawiin, Ruihhlo zuartute chu Lairam dinhmun thlir chungin Lairam ah Ruihhlo zuarlo turin a chah a, Ruihhlo chu theihtawp chhuah a do ngat ngat a tul thu sawiin, helam hawia YLA hmalakna fakawm a tih thu a sawi bawk.

(Lalnggheta Lawngtlai PTC)



KOLASIB HIGHWAY

Kolasib DC Pu Robert C. Lalhmangaiha hovin nimin khan Kolasib khawchhung pal tlangtu National Highway a kawng chhe zual lai siam that dan tur a hmunah an enfiah.

He hmalakna hi tun thla ni 9 a Deputy Speaker Pu Lalfamkima hova National Highway thawm that chungchang an sawihona an thurel bawhzuina a ni a. Kawng chhe zual lai leh leilung nghet lote, tlo zawk a siam that dan tur leh Pavement Quality Concrete (PQC) hman a tulna te a hmuna endik a ni.

Kolasib DC Pu Robert C. Lalhmangaiha chuan National Highway siam hnathawktu NHIDCL hotute chu Mizoram leilung dinhmun te zirchiang chung zela Kawngpui siam hna thawk turin a chah a. Leilung awmdan a zira hmanraw hman ngai leh hmalak dan turte ngaihtuah turin a hrilh bawk. District Administration Office (DC pisa) chu puih an ngaihna apiangah pui turin an in hawn reng thu a sawi bawk. Kolasib DC chuan National Highway 306&06 chu Mizoram luhka pawimawh tak leh State chhung mipuite ei bar lakluhna a nih dante sawiin, mipuite hmakhaw ngai chung a uluk taka Kawngpui siam turin NHIDCL a thawktute chu a hriattir nghal a ni.

He hunah hian Kolasib leh a chheh vêl a kawng chhe zual lai, leilung nghet tawk lo te, Kawngpui hnuai atanga tui put leh side drain mumal loh avanga kawng thawm that pawh a tha rei thei lo thin a, a bika PQC a tih tura dilna thlen tur lai te en a ni a. NHIDCL aiawh kalte pawhin kawngpui enfiahna a hmalak ngai an sawite chu an hotu sang zawkte hnenah a rang lamah an thlen tur thu leh Approval an hmuh vat theih nan hma an lak tur thu an sawi bawh a ni.

Kolasib DC hova National Highway enfiahna ah hian Gosen Veng, Rengtekawn, Tuithaveng, Diakkawn, Vengthar leh Khuangpuilam te an tlawh ani.

(Andrew Kolasib PTC)

<><><>

GST REFORMS

BJP MLA Pu K Hrahmo-a’n sawrkar laipuiin GST a siamthat avanga thil man tlawm tawh tur leh Railway Service avanga bungraw phurh man a let a a tlakhniam dawn avangin Mizoramin "Malsawmna Thuah hnih" a dawng a ti.

He thu hi nimina Aizawl Press Club-a GST chungchanga thuthar thehdarhtute a kawmnaah sawiin, Pu K Hrahmo chuan GST rate tihhniamin a tum lian ber chu mipui nawlpui ban phak leh man man zawka lei theih tura thil man siamthat a ni a ti a, sumdawngten a man an tihniam ngei tur a ni tih sawiin, GST rate tihhniamna bungrua leh thil zuarte zingah a man tihniam lo report lut a awm chuan dan angin action lak theih a ni tawh a ti a. GST rate tihhniam hmaa bungraw lak tawh te pawh rate thar anga kalpui tawh tur a ni a, mipui nawlpuite chuan an dikna chanvo an hriat a tul hle tih a sawi a ni.

Pu K Hrahmo chuan GST 2.0 atanga mipuiten hlawkna an dawn zingah nitin mamawh ah nasa takin chhiah (GST) a tlahniam a, Cancer tiamin natna khirh tak tak enkawlina damdawi thenkhatah tax pek a ngai tawh dawn lova. Hei hian mi rethei leh harsa zawkte a pui nasa dawn hle a ti a, Tractor leh leilehna hmanraw hrang hrang man nasa taka tlahniam chuan loneitute phurrit tam tak a chhawk theih bakah loneitute a tiphur ang a, thlai tharchhuah pawh a pun ngei a rin thu sawiin, Tax tlahniam chuan sumdawngte leh eichawpzuarte chu nasa takin an sumdawwna a ti thang thei dawn niin a sawi a, central sorkar zarah Mizoram chuan hriatreng tawh tur "Malsawmna Thuah hnih" a dawng a, chungte chu GST siamthat avanga thil man tlawm tawh tur leh Railway Service, abik takin Cargo service avangin bungraw phurh man a let a tlahniam tur te a ni a ti bawh.

(Corr: Maremi)

<><><>

KOLASIB POCSO CASE

Nimin khan Kolasib District Court chuan hmeichhe naupang kum 12 mi vel khuaikhemtu chu kum 10 chhung Jail tang tur leh pawisa chawi turin a hrem.

Kum 2023 August ni 27 khan Kolasib nu pakhat chuan a fanu kum 12 pawh la tling tha lo chu Lalpekliaana (22), Tumpui Veng, Kolasib chuan a pawngsual a ni, tiin Kolasib Police Station-ah FIR a thehlut a. He thubuai hi Kolasib Police te chuan chhui chiang nghalin, pawl khawihtu Lalpekliaana chu an man nghal a, a lak ah hian hmeichhe kum tlinglo pawngsual thubuai POCSO Act Section 6 leh IPC Section 376 AB hmangin an siam sak a ni.

Police ten he thubuai an chhui chianna lama an hmuh chhuah danin kum 2023 Aug ni 27 thim hlimah khan pawl khawihtu hi he hmeichhe naupang te chenna inah hian lutin an khum pindan ah tleirawl hi a nawr lut lui a. He tleirawl hi hlahu avanga a au bengchheng tur chu chemte hmangin a vau bet tlat a, mi dang tanpuitu au thei lovin a siam a ni. Pawl khawihtu hian Zu a ruhi bakah Ganja a zu tih hriat chhuah a ni.

He thil thlen lai vela an thawm lo hre pha an thenawmte an inrawlhna a zarah he tleirawl hi pawl khawihtu hian a khawih chhe hman lo hlahu a ni. He thubuai hi Court chuan nimin khan rel zovin Judgment & Order chu Kolasib Fast Track Court Judge Pu R. Vanlalena chuan puangin, pawl khawihtu Lalpekliaana chu hur sualna lam hawia hmeichhe naupang a khuaikhem avangin kum 10 chhung Jail tang turin a hrem a, chemte hmanga a vau beh avangin IPC Section 506 hnuaiah kum 5 chhung Jail tang turin a ti bawh.

Hei bakah hian tleirawl taksa timualpho zawnga a phelhruah avangin IPC Section 354B hmangin kum 3 chhung Jail tang turin a ti bawk.Pawikhawhtu hian Rs.15,000/-a chawi tel dawn a ni. Jail tan hun tur bithliah te hi inchher chhuan lovin a vaiin a kal rual dawn a ni.

(Andrew Kolasib PTC)

<><><>

SWACHHATA HI SEVA

'Swachhata Hi Seva' campaign kalpui mek peng pakhat, 'SafaiMitra Suraksha Shivar' tih hnuaiah Lunglei Municipal Council (LMC) hnuaia faina kawnga thawktu (sanitation worker)-te chu nimin khan Civil Hospital Lungleia Health ATM-ah an hriselna dinhmun endiksak an ni.

Sorkar laipui Ministry of Jal Shakti leh Ministry of Housing & Urban Affairs hnuaiah Kum 2017 atang khan India rama faina leh thianghlimna kawnga hma lakna, 'Swachhata Hi Seva' campaign hi kalpui niin, Lunglei District-ah pawh kumin atan Swachhata Hi Seva hma lakna hi kalpui leh mek a ni a. Kawng hrang hranga faina beihpui thlak a nih rualin, faina kawnga a bulthuta thawktu, sanitation worker-te pawimawhna leh an hriselna ngaih pawimawh a tulzia hriain, District Coordinator & District Bawrhsap nen tang kawpin LMC sanitation worker-te hriselna dinhmun endikna hi ruahman a ni.

(DIPR)

<><><>

LUNGSEN ASPIRATIONAL BLOCK

Lunglei DC hmalaknaa Lungsen Aspirational Block-a zirlaite tana Lunglei khawpui chhunga lehkhabu khawn khawm runpui, "Book Nest Initiative" kalpui mekah, tun thla ni 8 atang khan Lunglei khawpui chhunga Sub-Headquarters YMA hnuaia YMA branch 21 te'n an huam chhungah lehkhabu khawn khawmin, lehkhabu 4,500 chuang khawn chhuah a ni.

YMA branch hrang hrang hnuaia section YMA te chuan an huam chhung in tinah kal chilhin zirlaibu leh thawnthu bu hluite an khawn khawm a. Lehkhabu khawn khawm sa hi branch tinah YMA leh Self Help Group (SHG)-te'n thliar felin, sem chhuah theih turin an ruahman a. Lunglei khawpuia YMA branch 21 bakah, Lungsen YMA branch 3 pawhin lehkhabu hi an khawn ve bawk.

Lunglei khawpui chhunga YMA branch pariat chuan lehkhabu khawn leh thliar fel hi zo tawhin, hemi atang hian lehkhabu 4,567 hmuh a ni tawh a. Branch tam zawkin la khawn mekin, thliar fel an la hmabak a ni.

Lehkhabute hi sem chhuah theiha ruahman fel a nih hnuaah Lungsen Aspirational Block huam chhunga sawrkar sikul 60 thlan chhuahte hnenah sem tura ruahman a ni.

(Thanghmingliana Lunglei PTC)

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

DEFENCE MINISTER IN MOROCCO

Defence Minister Rajnath Singh-a leh Morocco Defence Minister Abdelatif Loudyi te chuan nimin khan India-in ramdanga ralthuam siamna hmun a bun hmasak ber Morocco-a Berrechid ami Tata Advanced Systems Limited (TASL) an hawng. Thusawiin Pu Singh-a chuan India leh Morocco tana ni chhinchhiahtlak a ni a ti a. He ralthuam siamnaah hian ralthuam lirthei tha chi te siam an ni dawn tih sawiin TASL leh Defence Research and Development Organization (DRDO) te an thawk dun dawn a ti a. India Aatmanirbhar Bharat hmathlir chu a mamawh hmanrua siam mai bakah khawvel ramdangte pawhin a thiamna leh theihnate an chhawr ve theihna tur hmalakna a ni a ti bawk.

(Newsonair)

<><><>

SEVA PARV

Mipui rawngbawl leh sawrkar inrelbawlna tha thupuia neiin Prime Minister Narendra Modia hnuaiah ramchhungah hmasawwna tam tak thlen mek a ni. Tun tum Seva Parc hunah chuan Prime Minister Modia sawrkarin Semi Conductor hmasawwna tura hma a lakna te tarlang ila. Kum 2021 a India Semiconductor Mission (ISM) hawn anih atangin India chuan Semiconductor siamchhuah kawnga a zinkawng chu nasa takin a thlak danglam a. Prime Minister Modia hmathlirte chu a taka chantir chhoh zel a ni. Tun thlaa Semiconductor India 2025 New Delhi a neihah khan Prime Minister Modia chaun Semi Conductor chu Digital diamond anih thu a sawi a. India Semiconductor Mission hian cheng vaibelchhe 76000 chuang a thawkchhuak tawh a ni.

(Newsonair)

<><><>

NATIONAL FILM AWARD

President Droupadi Murmu chuan nizan khan National Film Awards vawi 71-na New Delhi ah a sem. He hunah hian Malayalam actor, director leh producer Mohanlal chuan Dadasaheb Phalke Award a dawng a. Hei hi India rama cinema lama chawimawina sang ber a ni. Hei bakah hian category hrang hrangah National Film Award hi sem a ni a. 12th Fail chuan Best Feature Film Award a dawng a. Jawan film avangin Shah Rukh Khan-a hnenah Best Actor award hlan a ni a, 12th Fail changtupa Vikrant Massey hnenah Best Actor hlan a ni bawk a. Mrs. Chatterjee vs Norway avangin Rani Mukherjee hnenah Best Actress hlan a ni bawk.

(Newsonair)

<><><>

GST

Prime Minister Narendra Modia'n kumin Independence Day lawmna GST chhuan thar hman a nih tur thu a puang a. Hei hi tun thla ni 3 a GST Council thukhawm chuan a taka rawn ti puitlingin chhiah lak dan chhawng li ni thin chu chhawng hnihah tittlemin awlsam zawkin a rawn siam danglam a. GST zaa 5, 12, 18 leh 28 a lak thin chu zaa 5 leh 18 ah tihhniam a ni a. Mi naran leh mi nawlpuite tana hlawkna thlen thei tur berin he GST hi siamrem a ni.

GST tharah hian inchhunga electric bungruate a tlawm dawn a. GST zaa 28 lak thinte chu chhiah lak dan tharah chuan zaa 18 ah a tlahniam tawh dawn a ni. Hei bakah hian Two-way Radios mante pawh a tlawm dawn a. Hei hian police, paramilitary force leh defence lam thawktute tan sum sen a ti tlem dawn a ni.

GST tharah hian loneitute tan tractor leh an mamawh bungraw hrang hrangah chhiah tihhniam a ni a. Hei bakah hian inchhung bungrua AC, TV leh a dangahte GST tihhniam a ni bawk a. Mipuite mamawh heng bungrua te a tlawm tak avang hian hralhchhuah zat pawh a pung ngei dawn a ni. Delhi-a khawsa Varnita chuan sawrkar thutlukna chu lawmawm atih thu a sawi.

(Newsonair)

<><><>